

Tindakan proaktif tang

Oleh SYAHIDI BAKAR

PELBAGAI inisiatif dan tindakan proaktif diambil Kementerian Pembangunan Wanita, Keluarga dan Masyarakat (KPWKM) selaras dengan hasratnya untuk memperkasakan peranan dan kebijakan golongan wanita di Malaysia.

Menyedari pelbagai cabaran yang perlu dihadapi, beberapa penanda aras telah diberikan penekanan seiring dengan objektif untuk memelihara dan menjaga kebijakan kaum wanita yang menjadi antara penggerak utama ke arah memacu Malaysia mencapai negara maju berpendapatan tinggi menjelang tahun 2020.

Menteri Pembangunan Wanita, Keluarga dan Masyarakat, Datuk Seri Rohani Abdul Karim berkata, antara inisiatif yang ditetapkan adalah merealisasikan dasar sekurang-kurangnya 30 peratus wanita dalam peringkat pembuat keputusan dalam sektor korporat menjelang tahun 2016 menjadi bukti bahawa kerajaan mengiktiraf peranan wanita sebagai penyumbang penting dalam proses pembangunan dan kesejahteraan negara.

Beliau berkata, penggubalan dasar tersebut juga bertujuan memastikan kepakaran, daya saing serta kepimpinan wanita dapat dioptimumkan sekali gus menjurus kepada kepelbagaian dan perangkuman sektor korporat.

"Selain penetapan dasar tersebut, penubuhan 'Kelab 30%' juga dilihat menjadi faktor penting menggalak dan mendorong lebih ramai wanita terlibat pada peringkat membuat keputusan kerana pelaksanaannya bakal menjadi panduan penting bagi sektor korporat untuk melaksanakan saranan kerajaan.

"Di samping itu, fungsi dan peranan KPWKM turut diperluas melalui agensinya seperti Jabatan Kemajuan Masyarakat (JKM) yang terlibat secara langsung sebagai kaunselor selepas berlakunya tragedi Malaysia Airlines MH370 dan MH17.

"Penglibatan pegawai JKM dalam mengendalikan khidmat sokongan psikososial dan intervensi krisis terhadap waris mangsa bagi kedua-dua pesawat sedikit sebanyak mampu meredakan kesedihan yang dialami," katanya ketika sesi temubual khas dengan media di Ban-



ROHANI ABDUL KARIM mengadakan perbincangan bersama-sama para pegawainya di hadapan rakyat dan mengambil tindakan segera untuk menanganinya.

gunakan KPWKM, Putrajaya.

Menurut Rohani, beristiwa tersebut juga menjadikan peranan kaunselor dalam menangani isu pasca tragedi amat diperlukan khususnya bagi memberi khidmat kaunseling susulan dari semasa ke semasa kepada ahli keluarga mangsa yang terlibat.

Tujuan khidmat kaunseling susulan katanya, adalah memantau perkembangan psikologikal yang positif dalam diri ahli keluarga selain memberi perhatian sekiranya berlaku kesan trauma yang berpanjangan.

"JKM juga turut memberi perhatian kepada keperluan serta membantu mengenal pasti sistem sokongan atau merujuk kepada agensi yang boleh membantu ahli keluarga menghadapi krisis.

"Bagi insiden MH370, sokongan psikologi kepada ahli keluarga masih ditekankan mengikut keperluan dan rujukan daripada pihak berkaitan seperti MAS, Jawatankuasa NOKS dan sebagainya," katanya sambil menambah, selain daripada sokongan psikologikal, KPWKM melalui JKM turut terlibat dalam menguruskan keperluan dan kebijakan keluarga serta Majlis Peng-

info

Statistik kes pengabaian / pender


Bil	TAHUN
1	2012
2	2013
3	2014 (Januari - Ogos)

hormatan dan pengurusan jenazah.

Sementara itu, hasil tindakan agresif KPWKM bersama-sama agensi penguatkuasaan lain menyaksikan laporan kes penderaan dan pengabaian kanak-kanak bagi sepanjang tahun 2014 telah menunjukkan aliran yang menurun kepada 2,454 kes berbanding 4,119 (2013) dan 3,831 kes tahun sebelumnya.

Penurunan tersebut kata Rohani, sedikit sebanyak memelihara kesungguhan dan ketegasan KPWKM dalam mendepani isu berkaitan kanak-kanak berjaya mewujudkan kesedaran dalam

ani isu wanita



Bagi mendengar setiap permasalahan yang



UM 2/1/15
MS 5

**Memandangkan
impaknya amat
baik, maka Program
Beyond 1Azam
dijalankan pada
tahun 2015 bagi
memastikan
keberlangsungan
Program 1Azam
yang menfokus
kepada peserta yang
telah berjaya dalam
program sebelum ini**

**ROHANI ABDUL KARIM
Menteri Pembangunan
Wanita, Keluarga
dan Masyarakat**

2014, seramai 140,976 golongan miskin dan miskin tegar di seluruh negara mendapat manfaat melalui program itu.

Daripada jumlah tersebut katanya, seramai 93,172 berjaya meningkatkan pendapatan sekurang-kurangnya RM300 selama tiga bulan berturut-turut.

“Memandangkan impaknya amat baik, maka Program *Beyond 1Azam* dijalankan pada tahun 2015 bagi memastikan keberlangsungan Program 1Azam yang menfokus kepada peserta yang telah berjaya dalam program sebelum ini.

“Program ini memberi pendedahan tentang kejayaan yang dilakar oleh penerima bantuan 1AZAM dan berjaya keluar daripada kepompong kemiskinan. Ini merupakan satu lagi komitmen Kementerian bagi memastikan bantuan sampai kepada kumpulan sasar dan dimanfaatkan mereka hingga berjaya mengubah nasib sendiri,” katanya.

Menurut Rohani lagi, selain berperanan di peringkat domestik, KPWKM turut terlibat dalam konvensyen peringkat antarabangsa membuka peluang kepadanya untuk membawa mesej berkaitan wanita, keluarga dan masyarakat seterusnya berkongsi idea serta

pengalaman untuk menjayakannya di Malaysia.

Penglibatan langsung itu katanya memberi banyak faedah bagi Malaysia antaranya meratifikasikan konvensyen antarabangsa mengenai hak asasi manusia yang kini menjadi antara isu dan kriteria utama di peringkat global.

Dalam pada itu, Lembaga Penduduk dan Pembangunan Keluarga Negara (LPPKN) yang juga salah sebuah agensi KPWKM turut memainkan peranan aktif dalam usaha memperkasakan lagi institusi kekeluargaan.

Sehingga akhir tahun 2014, tiga program utama telah dianjurkan dan dikendalikan oleh LPPKN meliputi pelbagai program kemahiran dan keibubapaan dan kesihatan reproduktif seperti SMARTSTART yang menyaksikan sebanyak 22 kursus telah dianjurkan sepanjang tahun 2014 yang menyaksikan seramai 1,155 peserta telah mengambil bahagian.

Selain itu, Program SMARTBELANJA pula menyaksikan sebanyak 41 kursus telah dikendalikan melibatkan 2,096 bilangan peserta manakala Program PEKERTI meliputi 342 kursus diadakan dengan bilangan peserta terlibat seramai 115,288 orang.

Sementara itu, melalui Strategi Lautan Biru Kebangsaan (NBOS), pihak KPWKM turut berperanan melaksanakan pelbagai inisiatif berkaitannya seperti 1Malaysia Komuniti PERWANI yang menyaksikan terdapat 10,269 kumpulan ditubuh melibatkan anggota seramai 134,734 orang di seluruh negara.

Bagi Program *HomeHelp (1Malaysia Family Care)* di bawah NBOS 7, berteraskan perkhidmatan kesihatan dan sosial secara menyeluruh melibatkan kerjasama pelbagai pihak bertujuan mengoptimalkan manfaat kepada golongan sasar yang memerlukan terutama warga emas dan ibu tunggal.

Para peserta program ini telah menjelajah ke seluruh negara bermula di Pagoh pada bulan April 2014 dan berakhir di Batang Lupar, Sarawak pada 26 Mei 2014 yang menyaksikan sebanyak 200 buah rumah melibatkan seramai 131 warga emas dan 69 golongan OKU serta berjaya mendaftarkan 619 sukarelawan JKM.

raan kanak-kanak yang dilaporkan

BILANGAN KES

3,831

4,119

2,454

* Sumber PDRM

kalangan masyarakat untuk bersama-sama menanganinya.

Katanya, kes pengabaian Muhammad Firdaus Dulla, kanak-kanak OKU yang dibiarkan sendirian menyaksikan ibunya dijatuhkan hukuman penjara empat bulan dan denda RM10,000 oleh Mahkamah Sesyen atas tuduhan mengabaikan serta membiarkan anaknya tanpa pengawasan, disabitkan mengikut Seksyen 31(1)(a) Akta Kanak-Kanak 2001 dan Seksyen 33(c) akta yang sama.

Mengenai program bantuan 1AZAM kepada golongan yang layak, Rohani berkata, sehingga bulan Mei